

全隋文目錄

文帝 卷一至卷三

煬

恭帝

越王侗詔書編
入群德音文

煬蕭后

廢太子勇

秦王俊

蜀王秀

漢王諒

觀王雄

齊王暕 已上卷八

陽休之

崔猷

崔仲方

崔暕

袁聿修

斛斯徵

李士謙

李穆

李詢

梁睿

賈榮定

趙嬰

楊尙希

車世康 已上竝仕
魏入隋

王元規 已上卷九

江總 卷十卷十一

庾季才

裴政

徐孝克

何妥

戴逵

劉行本

柳晉 已上卷十二

顏之推

姚察

蔡徵

蕭大圖

蕭圓肅

蕭吉

蕭愨 自王元規至蕭愨並仕梁入隋 已上卷十三

虞世基

虞綽

王胄

陸知命

潘徽 已上卷十四

許善心

袁充

毛爽

陳伯禮

陳伯智

陳叔懷

陳叔文

陳淵自虞世基至陳淵並仕陳入隋 已上卷十五

盧思道

盧賁 已上卷十六

李德林 卷十七卷十八

薛道衡

薛溶

薛德音 已上卷十九

高勛

高構

辛德源

崔儉

魏澹

杜臺卿

李行之

李元操

郎茂

李諤 韓鳳

潘子義 已上卷二十

王劭

房彥謙

張公禮 自盧思道至張公禮並仕北齊入隋 已上卷二十一

一至卷二十二

宇文愷

宇文慶

王誼

來和

元壽

皇甫績

衛玄

高頴

宇文述

段文振

令狐熙

鄭譯已上卷二十三

牛弘卷二十四

楊素

楊玄感

柳彧

達奚震

蘇威

柳昂

柳莊

梁毗

樂運已上卷二十五

長孫平

長孫晟

賀婁子幹

賀若弼

于仲文

于宣敏

裴肅

史祥

劉暉

已上卷二十六

劉炫

劉焯

自宇文愷至劉焯並仕周入隋

王貞

劉孝孫

張胄玄

顏敏楚

陸法言

蘇夔

常得志

已上卷二十七

王孝籍

楊孝政

向居士

陳子秀

費長房

劉憑

趙絢

周彪

皇甫毘

鄭辨志

嚴德盛

耿詢

雲定興

仲孝俊

格謙

宦官

王義

列女

蘭陵公主

譙國夫人洗氏 已上卷二十八

闕名

奏議銘墓誌銘碑已上卷二十九卷三十

外國

倭國王多利思北孤

高昌王鞠伯雅

突厥沙鉢略可汗

突厥莫何可汗

突厥啟民可汗 已上卷三十一

釋氏

釋智顛 卷三十二

釋彥琮 卷三十三

釋僧煥

那連提黎耶舍

釋寶貴

釋智永

釋智果

釋真觀

釋道林

釋智詵

釋曇遷

已上卷三十四

釋曇延

釋法藏

釋慧文

釋曇暹

釋惠岳

釋保恭

釋吉藏

釋智越

釋智瓌

釋灌頂

釋法經

釋海順

釋道傑

釋氏闕名

已上卷三十五

僊道

李播

鬼神

天台佛龕山神

已上卷三十六

大凡全隋文一百六十八人

大凡全隋文三十六卷

謹案隋末有李密祖君彥蕭銑蕭瑀陳叔達宇文歆傅仁均傅
奕杜正倫杜淹杜之松褚亮裴儉裴矩房彥藻陳子良張公謹
高儉高馮崔仁師孫伏伽孔德紹韋雲起鄭善果王孝通王度
呂及釋行友釋智首釋慧斌諸人皆當入全唐文可均記

全隋文目錄終

全隋文卷一

烏程嚴可均校輯

文帝一

帝姓楊諱堅弘農華陰人周大司空隋國公忠子西魏恭帝時
辟京兆功曹呂父勳授散騎常侍車騎大將軍儀同三司封成
紀縣公遷驃騎大將軍加開府周初授右小宮伯進封大興郡
公保定初遷左小宮伯出爲隋州刺史進位大將軍襲父爵隋
國公建德中加柱國除定州總管轉亳州總管宣帝卽位呂后
父徵拜上柱國大司馬大象初遷大後丞右司武轉大前疑及
崩入總朝政都督內外諸軍事靜帝卽位拜假黃鉞左大丞相
尋授大丞相進相國總百揆封隋王加九錫大定元年二月受
禪改元二開皇仁壽在位二十四年諡曰文皇帝廟號高祖
相州戰地立佛寺制 開皇元年八月

門下昔歲周道既衰羣兇鼎沸鄴城之地實為禍始或驅逼良善
 或同惡相濟四海之大過半豺狼兆庶之廣咸憂吞噬朕出車練
 卒蕩滌妖醜誠有倒戈不無因獸將士奮發肆其威武如火燎毛
 殆亡遺燼于時朕在廊廟任當朝宰德慚動物民陷網羅空切罪
 己之誠惟增見辜之泣然兵者凶器戰實危機節義之徒輕生忘
 死干戈之下又聞徂落興言震悼日久逾深未念羣生蹈兵刃之
 苦有懷至道興度脫之業物我同觀恩智俱愍思建福田神功祐
 助庶望死事之臣菩提增長悖逆之侶從暗入明竝究苦空咸拔
 生死鯨鯢之觀化為微妙之臺龍蛇之野永作玻璃之鏡無邊有
 性盡入法門可于相州戰地建伽藍一所立碑紀事歷代三寶記
 十二廣弘明

集二十八上

答牛弘制 開皇九年

制禮作樂聖人之事也功成化洽方可議之今宇內初平政化未

治遠有變革我則未暇

清書音集志下

營建功德制

開皇十一年

門下如來設教義存平等菩薩用心本無差別故能津梁庶品濟度羣生朕位在人王紹隆三寶永言至理弘闡大乘諸法豁然體無彼我況于福業乃有公私自今已後凡是營建功德普天之内混同施造隨其意願勿生分別庶一切法門同歸不二十方世界俱至菩提

釋藏云二歷代三寶記十二

鹿祥制

開皇十五年六月

朕比臨朝聽政乃有羣鹿來遊馴擾宮門前後非一逼近人眾安然不驚但往經離亂年世久遠聖人之法敗絕不行習俗生常專事殺害朕自受靈命撫臨天下遵行聖教務存愛育由王公等用心助朕宣揚聖法所召山野之鹿今遂來馴官人等但口至誠化導民俗自可編戶之人皆口口口宜存心仁善副此休祥

同上

制

諸州歲貢三人

隋書文帝紀上 隋皇七年正月乙未

五百家為鄉正一人、百家為里長一人

九年二月丙申

人年五十免役收庸

十年六月辛酉

天下死罪諸州不得便決皆令大理覆治

十二年八月甲戌

坐事去官者配流一年

十三年二月己丑

私家不得隱藏緜俟圖讖

十三年二月丁酉

戰亡之家給復一年

十三年四月癸未

外官九品已上父母及子年十五已上不得將之官

十四年閏十

月乙卯

州縣佐吏三年一代不得重任

十四年十一月壬戌

京官五品已上佩銅魚符

十五年五月丁亥

九品已上官自理去職者聽竝執笏

十五年七月辛巳

工商不得進仕。十六年六月甲午已上並隋書文帝紀下

勞豆盧勣詔。大象二年七月

勣器識優長，氣調英遠，總馭藩部，風化已行。巴蜀稱兵，奄來圍逼。

入守出戰，大摧凶醜，貞節雄規，厥功甚茂。可使持節上柱國，賜二

子爵中山縣公。隋書豆盧勣傳王謙作亂勣嬰城固守高祖遣開府趙仲卿勞之詔云云

允李穆勸進詔

公既舊德，且又父黨，敬惠來旨，義無有違。便百今日十三日恭膺

天命。隋書李穆傳

前代品爵依舊詔。開皇元年二月庚子

自古帝王受終革代，建侯錫爵，多與運遷。朕應緣受圖君臨海內，

載懷沿革，事有不同。然則前帝後王，俱在兼濟，立功立事，爵賞仍

行，苟利于時，其致一揆。何謂物我之異，無計今古之殊。其前代品

爵悉可依舊。隋書文帝紀上

詔答李穆

初受禪

朕初臨寓內，方藉嘉猷，養老乞言，實懷虛想。七十致仕，本爲常人。至若呂尚，日期頤佐周；張蒼、呂華，皓相漢。高才命世，不拘恆禮。遲得此心，畱情規訓。公年旣耆舊，筋力難煩。今勒所司，敬蠲朝集。如有大事，須共謀謀，別遣侍臣，就第詢訪。隋書李穆傳

追贈周柱國獨孤信詔初踐阼

褒德累行，往代通規。追遠慎終，前王盛典。故使持節柱國河內郡開國公信，風宇高曠，獨秀生民。睿哲居宗，清猷映世。宏謀長策，道著于彌。諳緯義經仁，事深于拯濟。方當宣風廊廟，亮采台階。而世屬艱危，功高弗賞。眷言令範，事切于心。今景運初開，椒闈肅建。載懷塗山之義，無忘褒紀之典。可贈太師。上柱國。冀定相滄瀛，趙桓。洛貝十州諸軍事。冀州刺史。趙國公。邑一萬戶。諡曰景。追贈信父庫者。使持節太尉。上柱國。定恆滄瀛。平燕六州諸軍事。定州刺史。

封趙國公邑一萬戶。諡曰恭。信母費連氏。贈太尉恭公夫人。周書獨孤

信傳隋書獨孤羅傳

追封蘇綽為邳國公。詔開皇初

昔漢高欽無忌之義。魏武挹子幹之風。前代名賢。後王斯重。魏故

度支尚書美陽伯蘇綽。文雅政事。遺迹可稱。展力前王。垂聲著績。

空開土宇。用旌善人。周書蘇綽傳

詔蘇威。開皇元年

舟大者任重。馬駿者遠馳。君公有兼人之才。無辭多務也。隋書蘇威傳

五嶽各置僧寺。詔開皇元年閏三月

門下法無內外。萬善同歸。教有淺深。殊途共致。朕伏膺道化。念存

清靜。慕釋氏不貳之門。貴老生得一之義。總齊區有。思至無為。若

能高蹈清虛。勤求出世。咸可獎勵。貽訓垂範。山谷閑遠。含靈羈異。

幽隱所好。仙聖攸居。學道之人。趣向者廣。石泉栖息。巖藪去來。形

骸所待有須資給其五嶽之下宜各置僧寺一所

釋藏云二歷代三贊記十二

改服色詔 開皇元年六月癸未

初受天命赤雀降祥五德相生赤爲火色其郊及社廟衣服冕之

儀如朝會之服旗幟犧牲盡合尙赤戎服曰黃

隋書文帝紀上

宣尼制法云行夏之時乘殷之輅奕葉共遵理無可革然三代所

尙眾論多端或曰爲所建之時或曰爲所感之瑞或當其行色因

曰從之今雖夏數得天歷代通用漢尙于赤魏尙于黃驪馬玄牲

已弗相踵明不可改建寅歲首常服于黑朕初受天命赤雀來儀

兼姬周已還于茲六代三正迴復五德相生總曰言之竝宜火色

垂衣已降損益可知尙色雖殊常兼前代其郊巨廟社可依袞冕

之儀朝會衣裳宜盡用赤昔丹烏木運姬有大白之旅黃星土德

曹乘黑首之馬在祀與戎其尙恆異今之戎服皆可尙黃在外常

所著者通用雜色祭祀之服須合禮經宜集通儒更可詳議

隋書禮儀

志七高祖初卽位將改周制

乃下詔又見通典六十一

賞元諧詔 開皇元年八月

裴善壽庸有聞前載諧識用明達神情警悟文規武略譽流朝野

申威拓土功成疆場深謀大節實簡朕心加禮延代宜隆賞典可

在國別封一子縣公

隋書元諧傳吐谷渾名十七人各率所部來降上大悅下詔

頒行新律詔 開皇元年

帝王作法沿革不同取適于時故有損益夫絞日致弊斬則殊刑

除惡之體于斯已極梟首輶身義無所取不益懲肅之理徒表安

忍之懷鞭之為用殘剝膚體徹骨侵肌酷均懲切雖云遠古之式

事乖仁者之刑梟輶及鞭並令去也貴厲帶之書不當徒罰廣斬

冕之蔭芴及諸親流役六年改為五載刑徒五歲變從三祀其餘

已輕化重化死為生條目甚多備于簡策宜班諸海內為時軌範

雜格嚴科竝宜除削先施法令欲人無犯之心國有常刑誅而不

怒之義措而不用。庶或非遠。萬方百辟。知吾此懷。隋書刊法志

荅梁睿詔 開皇初

公英風震動。妙算縱橫。清蕩江南。宛然可見。循環三復。但已欣然。公既上才。若總戎律。一舉大定。固在不疑。但朕初臨天下。政道未洽。恐先窮武事。未為盡善。昔公孫述。隗囂。漢之賊也。光武與其通和。稱為皇帝。尉佗之于高祖。初猶不臣。孫皓之荅晉文。書尚云白。或尋款服。或即滅亡。王者體大義存。遵養雖陳。國來朝。未盡藩節。如公大略。誠須責罪。倘欲且緩其誅。宜知此意。淮海未滅。必與師旅。若命永襲。終當相屈。想已身許國。無足致辭也。隋書梁睿傳。高祖受禪。睿上平陳之策。上善之。下詔。

鄭譯除名詔 開皇初

譯嘉謀良策。寂爾無聞。鸞獄賣官。沸騰盈耳。若雷之于世。在人為不道之臣。戮之于朝。入地為不孝之鬼。有累幽顯。無已置之。宜賜

曰孝經令其熟讀隋書鄭譯傳其婢奏譯厥盡左道譯又與母別居為憲司所劾由是除名下詔

詔鞅鞅使開皇初

朕聞彼土人庶多能勇捷今來相見實副朕懷朕視爾等如子爾

等宜敬朕如父隋書鞅鞅傳

營建新都詔開皇二年六月丙申

朕祇奉上玄君臨萬國屬生人之做處前代之宮常曰為作之者勞居之者逸改創之事志未遑也而王公大臣陳謀獻策咸云義農曰降至于姬劉有當代而屢遷無革命而不徙曹馬之後時見因循乃未代之晏安非往聖之宏義此城從漢彫殘日久屢為戰場舊經喪亂今之宮室事近權宜又非謀筮從龜瞻星揆日不足建皇王之邑合大眾所聚論變通之數具幽顯之情同心固請詞情深切然則京師百官之府四海歸向非朕一人之所獨有苟利于物其可違乎且殷之五遷恐人盡怨是則曰吉凶之士制長短

之命謀新去故如農望秋雖暫劬勞其究安宅今區宇寧一陰陽
順序安安已遷勿懷胥怨龍首山川原秀麗卉物滋阜卜食相土
空建都邑定鼎之基永固無窮之業在斯公私府宅規模遠近營
構資費隨事條奏

隋書文帝紀
上北史十一

恕李穆百死詔

開皇二年

禮制凡品不拘上智法備小人不防君子太師上柱國申國公器
宇弘深風猷遐曠社稷佐命公爲稱首位極帥臣才爲人傑萬頃
不測百鍊彌精乃無伯玉之非豈有顏回之貳故曰自居寥廓弗
關憲網然王者作放惟旌善人去法弘道示崇年德自今已後雖
有愆罪但非謀逆縱有百死終不推問

隋書李
穆傳

下達奚長儒詔

開皇二年

突厥猖狂輒犯邊塞犬羊之眾彌亘山原而長儒受任北鄙式遏
寇賊所部之內少將百倍日晝通宵四面抗敵凡十有四戰所向

必摧兇徒就戮過半不反鋒刃之餘亡魂竄迹自非英威奮發奉國情深撫御有方士卒用命豈能已少破報若斯之偉言念勳庸空隆名器可上柱國餘勳迴授一子其戰亡將士皆贈官三轉子

孫襲之隋書達奚長儒傳

賜梁彥光詔開皇二年

賞曰勸善義兼訓物彥光操履平直識用凝遠布政岐下威惠在人廉慎之譽聞于天下三載之後自當遷陟恐其匱乏且空旌善可賜粟五百斛物三百段御傘一枚庶使有感朕心日增其美四海之內凡曰官人慕高山而仰止聞清風而自勵隋書梁彥光傳

能乃下詔

勸學行禮詔開皇三年四月丙戌

建國重道莫先于學尊主庇民莫先于禮自魏氏不競周齊抗衡分四海之民闕二邦之力遞為強弱多歷年所務權詐而薄儒雅

重干戈而輕俎豆，民不見德，惟爭是聞。朝野日機巧爲師，文吏用
深刻爲務，風澆俗敝，化之然也。雖復建立庠序，兼啟黌塾，業非時
貴，道亦不行。其間服膺儒術，蓋有之矣。彼氓我寡，未能移俗，然其
維持名教，獎飾彝倫，微相弘益，賴斯而已。王者承天休咎，隨化有
禮則祥瑞必降，無禮則妖孽興起。人稟五常，性靈不一。有禮則陰
陽合德，無禮則禽獸其心。治國立身，非禮不可。朕受命于天，財成
萬物，去華夷之亂，求風化之宜。戒奢崇儉，率先百辟。輕徭薄賦，冀
日寬弘。而積習生常，未能懲革。閭閻士庶，吉凶之禮，動悉乖方。不
依制度，執憲之職，似塞耳而無聞。莅民之官，猶蔽目而不察。宣揚
朝化，其若是乎。古人之學，且耕且養。今者民丁非役之日，農畝時
俟之餘，若敦日學業，勸日經禮，自可家慕大道，人希至德。豈止知
禮節，識廉恥，父慈子孝，兄恭弟順者乎。始自京師，爰及州郡，宜祇

朕意，勸學行禮。

隋書書林
卷四十四

超授范臺攻大都督假湘州刺史詔

開皇三年七月壬戌

行仁蹈義名教所先厲俗敦風宜見立表獎往者山東河表經此妖
亂孤城遠守多不自全濟陰太守杜繼身陷賊徒命懸寇手郡省
事范臺攻傾產營護免其戮辱眷言誠節實有可嘉宜超恆賞用
明沮勸臺攻可大都督假湘州刺史

隋書文帝紀上

下詔伐突厥

開皇三年八月

往者魏道衰敝禍難相尋周齊抗衡分割諸夏突厥之虞俱通二
國周人東慮恐齊好之深齊氏西虞懼周交之厚謂虜意輕重國
逐安危非徒竝有大敵之憂思滅一邊之防竭生民之力供其來
往傾府庫之財棄于沙漠華夏之地實爲勞擾猶復劫剽烽戍殺
害吏民無歲月而不有也惡積禍盈非止今日朕受天明命子育
萬方愍臣下之勞除既往之弊已爲厚斂兆庶多惠豺狼未嘗感
恩資而爲賊違天地之意非帝王之道節之已禮不爲虛費省徭

薄賦國用有餘。因入賊之物。加賜將士。息道路之民。務于耕織。清邊制勝。成策在心。凶醜愚闇。未知深旨。將大定之日。比戰國之時。乘昔世之驕。結今時之恨。近者盡其巢窟。俱犯北邊。朕分置軍旅。所在邀截。望其深入。一舉滅之。而遠鎮偏師。逢而摧翦。未及南上。遽已奔北。應弦染鏑。過半不歸。且彼渠帥。其數凡五。昆季爭長。父叔相猜。外示彌縫。內乖心腹。世行暴虐。家法殘忍。東夷諸國。盡挾私讐。西戎羣長。皆有宿怨。突厥之北。契丹之徒。切齒磨牙。常伺其便。達頭前攻。酒泉其後。于闐波斯。挹怛三國。一時卽叛。沙鉢略近。趣周槃。其部內薄。孤東紇羅。尋亦翻動。往年利稽察。大爲高麗。靺鞨所破。娑毗設。又爲紇支。可汗所殺。與其爲鄰。皆願誅剿。部落之下。盡異純民。千種萬類。仇敵怨偶。泣血拊心。銜悲積恨。圓首方足。皆人類也。有一于此。更切朕懷。彼地咎徵。祇作年將一紀。乃獸爲人語。人作神言。云其國亡。訖而不見。每冬雷震。觸地火生。種類資

給惟藉水草去歲四時竟無雨雪川枯蝗暴卉木燒盡飢疫死亡
人畜相半舊居之所赤地無依遷徙漠南偷存晷刻斯蓋上天所
忿驅就齊斧幽明合契今也其時故選將治兵羸糧聚甲義士奮
發壯夫肆憤願取名王之首思捷單于之背雲歸霧集不可數也
東極滄海西盡流沙縱百勝之兵橫萬里之眾互朔野之追躡望
天崖而一壩此則王恢所說其猶射癘何敵能當何遠不服但皇
王舊迹北止幽都荒遐之表文軌所棄得其地不可而居得其民
不忍皆殺無勞兵革遠規溟海諸將今行義兼含育有降者納有
違者死異域殊方被其擁抑放聽復舊廣開邊境嚴治關塞使其
不敢南望永服威刑臥鼓息烽暫勞終逸制御夷狄義在斯乎何
用侍子之朝寧勞渭橋之拜皆告海內知朕意焉隋書突厥傳
北史九十九

發使巡省風俗因下詔

開皇三年十一月己酉

朕君臨區宇深思治術欲使生人從化日德代刑求草萊之善旌

閭里之行，民間情偽，咸欲備聞。已詔使人所在賑恤，揚鑣分路，將徧四海，必令為朕耳目。如有文武才用，未為時知，空日禮發遣。朕將銓擢，其有志節高妙，越等超倫，亦仰使人就加旌異，令一行一善，獎勵于人。遠近官司，遐邇風俗，巨細必紀，還日奏聞。庶使不出戶庭，坐知萬里。

隋書文帝紀上

頒用張賓新厯詔

開皇四年正月壬辰

張賓等存心算數，通洽古今，每有陳聞，多所啟沃。畢功表奏，具已披覽。使後月復育，不出前海之宵。前月之餘，罕留後朔之日。滅朧就朧，懸殊舊準。月行表裏，厥途乃異。日交弗食，由循陽道。驗時轉算，不越纖豪。迭聽前修，斯祕未啟。有一于此，實為精密。宜頒天下，依法施用。

隋書律厯志中

開鑿廣通渠詔

開皇四年六月

京邑所居，五方輻湊。重關四塞，水陸艱難。大河之流，波瀾東注。百

川海瀆萬里交通。雖三門之下，或有危慮。但發自小平，陸運至陝，還從河水入于渭川，兼及上流，控引汾晉，舟車來去，爲益殊廣。而渭川水力，大小無常，流淺沙深，卽成阻闕。計其途路數百而已，動移氣序，不能往復。汎舟之役，人亦勞止。朕君臨區宇，興利除害，公私之弊，情實愍之。故東發潼關，西引渭水，因藉人力，開通漕渠。量事計功，易可成就。已令工匠巡歷渠道，觀地理之宜，審終久之義。一得開鑿，萬代無毀。可使官及私家，方舟巨航，晨昏漕運，沿沂不停。旬日之功，堪省億萬。誠知時當炎暑，動致疲勤，然不有暫勞，安能永逸。宣告人庶，知朕意焉。

隋書食貨志

復旨十二月爲臘詔

開皇四年十一月

古稱臘者接也。取新故交接。前周歲首。今之仲冬。建亥之月。稱蜡可也。後周用夏后之時。行姬氏之蜡。攷諸先代。于義有違。其十月行蜡者。停可。旨十二月爲臘。

隋書禮儀志二
通典四十四

詔賜王諛死

開皇五年四月

諛有周之世，早豫人倫，朕共遊庠序，遂相親好。然性懷險薄，巫覡盈門，鬼言怪語，稱神道聖。朕受命之初，深存誠約，口云改悔，心實不悛。乃說四天王神道，諛應受命，書有諛識。天有諛星，桃鹿二川，岐州之下，歲在辰巳，興帝王之業。密令卜問，伺殿省之災，又說其身是明王，信用左道，所在誑誤，自言相表。當王不疑，此而赦之，將或爲亂，禁暴除惡，空伏國刑。

隋書王諛傳

因突厥稱臣下詔

開皇五年七月壬午

沙鉢略稱雄漠北，多歷世年，百蠻之大，莫過于此。往雖與和，猶是二國，今作君臣，便成一體。情深意厚，朕甚嘉之。荷天之休，海外有截，豈朕薄德所能致此。已敕有司，肅告郊廟，空誓頌天下，咸使知

聞。

隋書突厥傳

停廢律官詔

開皇五年

人命之重懸在律文刊定科條俾合易曉分官命職恆選循吏小
大之獄理無疑舛而因襲往代別置律官報判之人推其爲首殺
生之柄常委小人刑罰所已未清威福所已妄作爲政之失莫大
于斯其大理律博士尙書刑部曹明法州縣律生竝可停廢隋書
志侍官慕容天遠糾都督田元冑請義倉事實而始平
縣律生鞠思舞文陷天遠遂更反坐帝聞之乃下詔
詔豆盧勣開皇六年

上柱國楚國公勣蜀人寇亂之日稱兵犯順固守金湯隱如敵國

嘉猷大節其勞已多可食始州臨津縣邑千戶隋書豆
盧勣傳

誅梁士彥宇文忻劉昉等詔開皇六年八月

朕君臨四海慈愛爲心加已起自布衣入升皇極公卿之內非親
則友位雖差等情皆舊人護短全長恆思覆育每殷勤戒約言無
不盡天之麻敷定于杳冥豈慮苞藏之心能爲國家之害欲使其
長守富貴不觸刑書故也上柱國鄜國公梁士彥上柱國杞國公

宇文忻柱國舒國公劉昉等朕受命之初竝展勤力酬勳報効榮高祿重待之既厚愛之實隆朝夕宴言備知朕意但心如礮壑志等豺狼不荷朝恩忽謀逆亂士彥爰始幼來恆自誣罔稱有相者云其應錄年過六十必據九五初平尉迴甞臨相州已有反心彰于行路朕卽遣人代之不聲其罪入京之後逆意轉深忻昉之徒言相扶助士彥許率僮僕剋期不遠欲于蒲州起事卽斷河橋捉黎陽之關塞河陽之路劫調布日爲牟甲募盜賊而爲戰士就食之人亦云易集輕忽朝廷嗤笑官人自謂一朝奮發無人當者其第二子剛每常苦諫第三子叔諧固深勸獎朕旣聞知猶恐枉濫乃授晉部之任欲驗蒲州之情士彥得旨欣然云是天贊忻及昉等皆賀時來忻往定鄴城自矜不已位極人臣猶恨賞薄云我欲反何慮不成怒色忿言所在流布朕深念其功不計其禮任旨武候授日領軍寄之爪牙委之心腹忻密爲異計樹黨宮闈多奏親

友入參宿衛。朕推心待物，言必依許，爲而弗止。心迹漸彰，仍解禁兵，令其改悔。而志規不遂，愈結于懷。乃與士彥情意偏厚，要請神明，誓不負約。俱營賊逆，遂則交謀。委彥河東，自許關右。蒲津之事，卽望從征。兩軍結束東西之旅，一舉合連。橫之勢，然後止破晉陽。還圖宗社，防入佐相府，便爲非法。三度事發，二度其婦自論。常云：姓是卯金刀，名是一万日。劉氏應王，爲万日天子。朕訓之，導之，示其利害。每加寬宥，望其脩改。口請自新，志存如舊。亦與士彥情好深重。逆節姦心，盡探肝鬲。嘗共士彥論太白所犯，問東井之間。思秦地之亂，訪軒轅之喪。願宮掖之災，唯待蒲坂事興。欲在關內應接，殘賊之策，千端萬緒。唯忻及昉，名位並高。盜背北面，曲躬臣于士彥。乃是各懷不遜，圖成亂階。一得擁攘之基，方逞吞并之事。人之姦詐，一至于此。雖國有常刑，罪在不赦。朕載思草創，咸著厥誠。情川愍然，未忍極法。士彥忻昉，身爲謀首。叔諸贊成，父意義實難容。

竝已處盡。士彥忻防兄弟叔姪，特恕其命。有官者除名。士彥小男
女、忻母妻女及小男竝放。士彥救諸妻妾及資財田宅，忻助妻妾
及資財田宅，悉沒官。士彥助兒年十五，上遠配。上議同辭摩兒，
是士彥交舊。上柱國府戶曹參軍裴石達，是士彥府寮，反狀逆心，
巨細皆委。辭摩兒聞語，仍相應和，俱不申陳。空從大蘇問，卽承引，
頗是恕心，可除名免死。朕握圖當錄六載于斯，政事徒勤，滯化未
洽，興言軫念，良深歎憤。

隋書劉
昉傳

賜進士出身。一品銜廣東等處提刑按察使司按察使兼管驛傳事務黃岡王毓藻，校刊

全隋文卷二

烏程嚴可均校輯

文帝二

勞李安詔 開皇七年

陳賊之意自言水戰為長險隘之間彌謂官軍所懼開府親將所部夜動舟師摧破賊徒生擒虜眾益官軍之氣破賊人之膽副朕所委聞臣欣然 隋書李安傳

檢括破故佛像詔

諸有破故佛像仰所在官司精加檢括運送隨近寺內 續高僧傳

幸岐州救蜀王行獵逐一獸入故宮既失蹤跡但滿室破落佛像具百事聞遷因奏帝悵然下詔

報趙綽詔

六月雖曰生長此時必有雷霆天道既于炎陽之時震其威怒則天而行有何不可 通典曰帝常發怒六月棒殺人大理少卿趙綽固爭曰季夏之月天地成長庶類不可

此時誅殺帝
報遂殺之

詔延釋曇遷 開皇七年

皇帝敬問徐州曇遷法師承修敘妙因勤精道教護持正法利益無邊誠釋氏之棟梁卽人倫之龍象也深願巡歷所在承風滄德限日朝務實懷虛想當卽來儀日沃勞望弟子之內聞解法相能轉梵音者十人並將入京當與師崇建正法刊定經典且道法初興觸途草創弘獎建立終藉通人京邑之間遠近所湊宣揚法事爲慧殊廣想振錫拂衣勿辭勞也尋望見師不復多及

續高僧傳

伐陳詔

開皇八年三月戊寅

昔有苗不賓唐堯薄伐孫皓儻虐晉武行誅有陳竊據江表逆天暴物朕初受命陳頊尙存思欲教之曰道不日興行爲令往來修睦望其遷善時日無幾豐惡已聞厚納叛亡侵犯城戍句吳閩越肆厥殘忍于時王師大舉將一車書陳頊反地收兵深懷震懼責

躬請約、俄而致殞、矜其喪禍、仍詔班師、叔寶承風、因求繼好、載行
克念、共敦行李、每見珪璫入朝、輒軒出使、何嘗不殷勤曉喻、或曰
維新、而狼子之心、出而彌野、威侮五行、怠棄三正、誅翦骨肉、夷滅
才良、據手掌之地、恣溪壑之險、劫奪閭閻、資產俱竭、驅蹙內外、勞
役弗已、徵責女子、擅造宮室、日增月益、止足無期、帷薄嬪媵、有踰
萬數、寶衣玉食、窮奢極侈、淫聲樂飲、俾晝作夜、斬直言之客、滅無
罪之家、剖人之肝、分人之血、欺天造惡、祭鬼求恩、歌舞衢路、酣醉
宮闈、盛粉黛而執干戈、曳羅綺而呼警蹕、躍馬振策、從旦至昏、無
所經營、馳走不息、負甲持杖、隨逐徒行、道而不及、卽加罪譴、自古
昏亂、罕或能比、介士武夫、飢寒力役、筋骸罄于土木、性命俟于溝
渠、君子潛逃、小人得志、家家隱殺戮、各各任歌斂、天災地孽、物怪
人妖、衣冠錯口、道路目目、傾心翹足、誓告于我、日月已曩、文奏相
尋、重日背德、違言搖蕩、疆場巴峽之下、海澨已西、江北江南、爲鬼

爲蛾死隴窮發掘之酷生居極攘放之苦鈔掠人畜斷截樵蘇市井不立農事廢寢歷陽廣陵窺覩相繼或謀圖城邑或切割吏人晝伏夜遊鼠竄狗盜彼則羸兵做卒來必就擒此則重門設險有勞藩捍天之所覆無非朕臣每關聽覽有懷傷惻有梁之國我南藩也其君入朝潛相招誘不顧朕恩士女深迫脅之悲城府致空虛之歎非直朕居人上懷此無忘旣而百辟屢言爲言兆庶不堪其請豈容對而不誅忍而不救近日秋始謀欲弔人益部樓船盡令東騫使有神龍數十騰躍江流引伐罪之師向金陵之路船住則龍止船行則龍去四日之內三軍皆覩豈非蒼旻愛人幽明展事降神先路協贊軍威自上天之靈切勸定之九便可出師授律應機誅殄在斯舉也永清吳越其將士糧仗水陸資須期會進止

一準別救

隋書文帝紀下

下史祥詔

開皇九年正月

朕曰陳叔寶世爲僭逆、挺虐生民、故命諸軍、救彼塗炭、不寇狼狽、
顧恃江湖之險、遂敢汎舟楫、擬抗王師、公親率所部、應機奮擊、沈
溺俘獲、厥功甚茂、又聞師旅進取江州、行軍總管襄邑公賀若弼、
既獲京口、新義公韓擒虎、尋剋姑熟、驃騎既度江岸、所在橫行、晉
王兵馬、卽入建業、清蕩吳越、旦夕非遠、驃騎高才壯志、是朕所知、
善爲經略、已取大賞、使富貴功名、永垂竹帛也。隋書史
詳傳

平陳下晉王廣詔 開皇九年

此二公者、深謀大略、東南逋寇、朕本委之、靜地恤民、悉如朕意、九
州不一、已數百年、已名臣之功、成太平之業、天下盛事、何用過此、
聞已欣然、實深慶快、平定江表、二人之力也。隋書韓擒虎傳
北史六十八

下韓擒虎賀若弼優詔

申國威于萬里、宣朝化于一隅、使東南之民、俱出湯火、數百年寇、
旬日廓清、專是公之功也、高名塞于宇宙、盛業光于天壤、述聽前

古罕間其匹。班師凱入，誠知非遠，相思之甚，寸陰若歲。

隋書韓擒虎傳

勸學求言詔

開皇九年四月壬戌

往曰吳越之事，羣黎塗炭，干戈方用，積習未寧，今率土大同，含生遂性，太平之法，方可流行。凡我臣僚，澡身浴德，開通耳目，宜從茲始。喪亂已來，緬將十載，君無君德，臣失臣道，父有不慈，子有不孝，兄弟之情，或薄，夫婦之義，或違，長幼失序，尊卑錯亂，朕爲帝王，志存愛養，時有臻道，不敢愆息，內外職位，遐邇黎人，家家自修，人人克念，使不軌不法，蕩然俱盡，兵可立威，不可不戢，刑可助化，不可專行，禁衛九重之餘，鎮守四方之外，戎旅軍器，皆宜停罷，伐路旣夷，羣方無事，武力之子，俱可學文，人間甲仗，悉皆除毀，有功之臣，降情文甄，家門子姪，各守一經，令海內翕然，高山仰止，京邑庠序，爰及州縣，生徒受業，升進于朝，未有灼然明經高策，此則教訓不篤，考課未精，明勸所由，隆茲儒訓，官府從宦，正園素士，心迹相表。

寬弘爲念，勿爲踴促。乖我皇猷，朕君臨區宇。于茲九載，開直言之
路，披不諱之心。形于顏色，夢于寢寢。自頃造執論功，昌言乃眾。推
誠切諫，其事甚疏。公卿士庶，非所望也。各啟至誠，匡茲不逮。見善
必進，有才必舉。無或噤嘿，退有後言。頒告天下，咸悉此意。隋書文帝紀下
止高頴遜位詔 開皇九年

公識鑒通遠，器略優深。出參戎律，廓清淮海。入司禁旅，實委心腹。
自朕受命，常典機衡。竭誠陳力，心迹俱盡。此則天降良輔，錫贊朕
躬。幸無詞費也。隋書高頴傳

下宇文述詔 開皇九年

公鴻勳大業，名高望重。奉國之誠，人所知悉。金陵之寇，旣已清蕩。
而吳會之地，東略爲遙。蕭巖蕭瑛，並在其處。公率將戎旅，撫慰彼
方。振揚國威，宣布朝化。日公明略，乘勝而往。風行電掃，自當稽服。
若使干戈不用，黎庶獲安。方副朕懷，公之力也。隋書宇文述傳

禁絕言封禪表

開皇九年七月景午

豈可命一將軍除一小國，遐邇注意，便謂太平，曰薄德而封名山，用虛言而干上帝，非朕攸聞，而今已後言及封禪，宜卽禁絕。

隋書文帝

下

下百濟王餘昌詔

開皇九年

百濟王既聞平陳遠，令奉表往復，至難。若逢風浪，便致傷損。百濟王心迹潛至，朕已悉知，相去雖遠，事同言面，何必數遣使來相體。悉自今已後，不須年例入貢。朕亦不遣使往。王宜知之。

隋書百濟傳

搜訪知音律人詔

開皇九年十二月甲子

朕祇承天命，清蕩萬方。百王褻敝之後，兆庶澆淳之日，聖人遺訓，掃地俱盡。制禮作樂，今也其時。朕情存古樂，深思雅道。鄭衛淫聲，魚龍雜戲，樂府之內，盡已除之。今欲更調律呂，改張琴瑟，且妙術精微，非因教習，工人代掌，止傳糟粕，不足達神明之德。論天地之

和區域之間奇才異議天知神授何代無哉蓋晦迹于非時俟昌
言于所好空可搜訪述言奏聞庶覩一執之能共就九成之業

文帝
紀下

令軍人悉屬州縣詔 開皇十年五月乙未

魏末喪亂富縣瓜分役車歲動未遑休息兵士軍人權置坊底南
征北伐居處無定家無完堵地罕包桑恆為流寓之人竟無鄉里
之號朕甚愍之凡是軍人可悉屬州縣墾田籍帳一與民同軍府
統領空依舊式罷山東河南及北方緣邊之地新置軍府 隋書文
帝紀下

下楊素詔 開皇十年

朕憂勞百姓日昨忘食一物失所情深納隍江外狂狡妄構妖逆
雖經殄除民未安堵猶有賊首凶魁逃亡山洞恐其聚結重擾蒼
生內史令上柱國越國公素識達古今經謀長遠比留推轂舊著
威名空任日大兵總為元帥宣布朝風振揚威武擒翦叛亡慰勞

黎庶軍民事務一日委之隋書楊素傳

詔釋智舜開皇十年

皇帝敬問趙州房子界嶂洪山南谷舊禪房寺智舜禪師冬日極寒禪師道體清勝教導蒼生使早成就朕甚嘉焉朕統在兆民之上弘護正法夙夜無怠今遣開府盧元壽指宣往意并送香物如

別續高僧傳

詔釋靈裕開皇十一年

敬問相州大慈寺靈裕法師朕遵崇三寶歸向情深恆願闡揚大乘護持正法法師梵行精清理義淵遠弘通聖教開導解譬道俗欽仰思作福田京師天下具瞻四方輻湊故遠召法師其營功業宜知朕意早入京也續高僧傳

又詔

敬問演空寺大德靈裕法師朕遵仰聖教重興三寶欲使生靈咸

蒙福力法師捨離塵俗投旨法門情誠若此深副朕懷續高僧傳

減免租調詔

開皇十二年

既富而教方知廉恥寔積于人無藏府庫河北河東今年田租三分減一兵減半功調全免隋書食貨志

禁私撰國史詔

開皇十三年五月癸亥

人間有撰集國史臧否人物者皆令禁絕隋書文帝紀下

施用雅樂詔

開皇十四年四月乙丑

在昔聖人作樂崇德移風易俗于斯為大自晉氏播遷兵戈不息雅樂流散年代已多四方未一無由辨正賴上天鑒臨明神降福拯茲塗炭安息蒼生天下大同歸于治理遺文舊物皆為國有比命所司總令研究正樂雅聲詳攷已訖宜即施用見行者俾人間音樂流僻日久棄其舊體競造繁聲浮宕不歸遂日成俗宜加禁約務存其本隋書文帝紀下

給公廩田詔

開皇十四年六月丁丑

省府州縣皆給公廩田不得治生與人爭利隋書文帝紀下

時脩齊梁陳祭祀詔

開皇十四年閏十月甲寅

齊梁陳往皆創業一方。歷歷年代既宗祀廢絕。祭奠無主。興言矜念。良且愴然。昔國公蕭瑄及高仁英陳叔寶等。宜令日時脩其祭祀。所須器物有司給之。隋書文帝紀下

令北境義倉雜種並納本州詔

開皇十五年二月

本置義倉止防水旱。百姓之徒不思久計。輕爾費損。于後乏絕。又北境諸州。異于餘處。雲夏長靈鹽蘭豐鄯涼甘瓜等州。所有義倉雜種並納本州。若人有旱儉少糧。先給雜種及遠年粟。隋書食貨志通典十一

呂公孫景茂為伊州刺史詔

開皇十五年

景茂修身潔已。誓宿不虧。作牧化人。聲績顯著。年終。政校獨為聲

首空升戎秩兼進藩條可上儀同三司伊州刺史隋書公孫景茂傳

普嗣山川詔開皇十五年六月辛丑

名山大川未祀典者悉祠之隋書文帝紀下

社倉詔開皇十六年正月

秦邊成康武文芳宕旭洮岷滑紀河廓幽隴涇靈原敷丹延綏銀

扶等州社倉並于當縣安置隋書食貨志通典十二

又詔開皇十六年二月

社倉準上中下三等稅上戶不過一石中戶不過七斗下戶不過

四斗隋書食貨志通典十二

禁命官妻妾改嫁詔開皇十六年六月辛丑

九品已上妻五品已上妻夫亡不得改嫁隋書文帝紀下

慎刑詔開皇十六年八月丙戌

決死罪者三奏而後行刑隋書文帝紀下

聽諸司于律外設杖屬官詔

開皇十七年三月丙辰

分職設官共理時務班位高下各有等差若所在官人不相敬憚多自寬縱事難克舉諸有殿失雖備科條或據律乃輕論情則重不卽決罪無已懲肅其諸司論屬官若有愆犯聽于律外斟酌決杖

杖

隋書文帝紀下又見刑法志

劉暉等除名詔

開皇十七年四月戊寅

朕應運受圖君臨萬寓思欲興復聖教恢弘令典上順天道下授人時搜揚海內廣延術士旅騎尉張胄玄理思沈敏術裁宏深懷道白首來上麻法今與太史舊麻竝加勘審仰觀玄象參驗璿機胄玄麻數與七曜符合太史所行乃多疏舛羣官傳議咸曰胄玄爲密太史令劉暉司麻郭翟劉空驍騎尉任悅往經修造致此乖謬通直散騎常侍領太史令庾季才太史丞邢雋司麻郭遠麻博士蘇棻麻助教傅雋成珍等既是職司須審疏密遂虛行此麻無

所發明論、輝等情狀，已合科罪。方共飾非，護短不從正法。李才等

附下罔上，義實難容。隋書律

麻志中

升用功臣子孫詔 開皇十七年四月壬午

周麻告終，羣凶作亂，豎起蕃服，毒被生人。朕受命上玄，廓清區宇，
聖靈垂佑，文武同心。申明公穆、鄭襄公孝寬、廣平王雄、蔣國公睿、
楚國公勣、齊國公頌、越國公素、魯國公慶、則新、靈公長、又宜陽公
世積、趙國公羅雲、隴西公詢、廣業公景、真、昌公振、沛國公譚、項城
公子相、鉅鹿公子幹等，登庸納揆之時，草昧經綸之日，丹誠大節，
心盡帝圖，茂績殊勳。力宣王府，宜弘其門。績與國同休，其世子世
孫未經州任者，宜量才升用。庶享榮位，世祿無窮。隋書文
享廟日不設鼓吹詔 開皇十七年十月庚午

昔五帝異樂，三王殊禮，皆隨事而有損益，因情而立節文。仰惟祭
享宗廟，瞻敬如在，罔極之感情深，茲且而禮畢升路，鼓吹發音，還

入宮門、金石振響、斯則哀樂同日、心事相違、情所不安、理實未允、宜改茲往式、用弘禮教、自今日後、享廟日、不須設鼓吹、殿庭勿設樂懸、在廟內及諸祭竝依舊、其王公已下、祭私廟日、不得作音樂、

隋書音義志下又見文帝紀下少二十四字

聽公解迴易詔

開皇十七年十一月

在京及在外諸司公廡在市迴易及諸處興生竝聽之

隋書食貨志

禁江南造大船詔

開皇十八年正月辛丑

吳越之人往承做俗所在之處私造大船因相聚結致有侵害其

江南諸州人間有船長三丈已上悉括入官

隋書文帝紀下

禁厭蠱詔

開皇十八年五月辛亥

畜猫鬼蟲毒厭魅野道之家投于四裔

隋書文帝紀下

二科舉人詔

開皇十八年七月丙子

京官五品已上總管刺史百志行修謹清平幹濟二科舉人

隋書文帝

下紀

下百濟王餘昌詔 開皇十八年

往歲為高麗不供職貢，無人臣禮，故命將討之。高元君臣恐懼，畏

服歸罪，朕已赦之，不可致伐。隋并百濟傳遼東之役遣使奉表請為軍導帝下詔

停百官朝貢東宮詔 開皇十八年十一月

禮有等差，君臣不雜。爰自近代，聖教漸虧，俯仰逐情，因循成俗。皇

太子雖居上嗣，義兼臣子，而諸方岳牧，正冬朝賀，任土作貢，別上

東宮，事非典則，宜悉停斷。隋書房陵王勇傳

廢皇太子勇為庶人詔 開皇二十年十月乙丑

太子之位，實為國本，苟非其人，不可虛立。自古儲副，或有不才，長

惡不悛，仍令守器，皆由情溺寵愛，失于至理，致使宗社傾亡，蒼生

塗地。由此言之，天下安危，繫乎上嗣。大業傳世，豈不重哉！皇太子

勇地則居長，情所鍾愛，初登大位，即建春宮，冀德業日新，隆茲負

荷而性識庸闇仁孝無聞昵近小人委任姦佞前後愆覺難曰具紀但百姓者天之百姓朕恭天命屬當安育雖欲愛子實畏上靈豈敢曰不肖之子而亂天下勇及其男女爲王公主者並可廢爲庶人願惟兆庶事不獲已興言及此良深愧歎

隋書房陵王勇傳

處治廢太子黨與詔

開皇二十年十月乙丑

自古日來朝危國亂皆邪臣佞媚凶黨扇惑致使禍及宗社毒流兆庶若不標明典憲何曰肅清天下左衛大將軍五原郡公元景任掌兵衛委曰心膂陪侍左右恩寵隆渥乃包藏姦伏離間君親崇長厲階最爲魁首太子左庶子唐令則策名儲貳位長官察諸曲取容音枝自進躬執樂器親教內人贊成驕侈導引非法太子令鄒文騰專行左道偏被親昵心腹委付鉅細關知占問國家希覬災禍左衛率司馬夏侯福內事諂諛外作威勢陵侮上下褻濁宮闈典膳監元淹謬陳愛憎開示怨隙妄起訕謗潛行離阻進引

妖巫營事厭禱前吏部侍郎蕭子寶往居省閣舊非宮臣稟性浮
躁用懷輕險進畫姦謀要射榮利經營開構開造禍端前主璽下
士何竦假託玄象妄說妖怪志圖禍亂心在速發兼制奇器異服
皆竦規摹增長驕奢糜費百姓凡此七人爲害乃甚竝處斬妻妾
子孫皆悉沒官車騎將軍閻毗東郡公崔君焯游騎尉沈福寶瀛
州民章仇太翼等四人所爲之事皆是悖惡論其狀迹罪合極刑
但朕情存好生未能盡戮可竝特免死各決杖一百身及妻子資
財田宅悉可沒官副將作大匠高龍又豫追番丁輓配東宮使役
營造亭舍進入春坊率更令晉文建通直散騎侍郎判司農少卿
事元衡料度之外私自出給虛破丁功擅割園池竝處自盡隋書房陵
王勇傳北

史七十一

下詔罪史萬歲

開皇二十年十月乙丑

柱國太平公萬歲拔擢委任每總戎機往日南寧逆亂令其出討

而昆州刺史爨翫包藏逆心，爲民興患。朕備有成，敕令將入朝。萬歲乃多受金銀，連敕令住，致爨翫尋爲反逆。更勞師旅，方始平定。所司檢校罪合極刑，捨過念功，恕其性命。年月未久，卽復本官。近復總戎，進討蕃裔，突厥達頭可汗領其兇眾，欲相拒抗。旣見軍威，便卽奔退，兵不血刃，賊徒瓦解。如此稱捷，國家盛事。朕欲成其勳庸，復加褒賞。而萬歲定和通簿之日，乃懷姦詐，妄稱逆面交兵，不曰實陳懷反覆之方，弄國家之法。若竭誠立節，心無虛罔者，乃爲良將。至如萬歲懷詐要功，便是國賊。朝憲難虧，不可再捨。隋書萬歲傳

禁毀盜佛道神像詔

開皇二十年十二月辛巳

佛法深妙，道教虛融。咸降大慈，濟度羣品。凡在含識，皆蒙覆護。所曰雕鑄靈相，圖寫眞形。率土瞻仰，用申誠敬。其五嶽四鎮，節宣雲雨。江河淮海，浸潤區域。竝生養萬物，利益兆人。故建廟立祀，曰時恭敬。敢有毀壞偷盜佛及天尊像，嶽鎮海濱神形者，曰不道論沙。

門壞佛像、道士壞天尊者，已惡逆論。

隋書文
帝紀下

尉義臣賜姓楊氏詔

開皇中

朕受命之初，羣凶未定，明識之士，有足可懷。尉義臣與尉迥，本同骨肉，既狂悖作亂，鄴城其父崇時在常山，典司兵甲，與迥鄰接。又是至親，知逆順之理，識天人之意，卽陳丹款，慮染惡徒，自執有司，請歸相府。及北夷內侵，橫戈制敵，輕生重義，馬革言旋，操表存亡，事貫幽顯，雖高官大賞，延及于世，未足表松筠之志，彰節義之門。義臣可賜姓楊氏，賜錢三萬貫，酒三十斛，米麥各百斛，編之屬籍。

爲皇太孫

隋書楊
義臣傳

荅宇文慶詔

開皇中

朕之與公，本來親密，懷抱委曲，無所不盡。語言歲久，尙能記憶。今覽表奏，方悟昔談，何謂此言，遂成實錄。古人之先知禍福，明可信也。朕言之驗，自是偶然，公乃不忘，彌表誠節，深感至意，嘉尙無已。

隋書字
文慶傳

奪情起韋冲詔 開皇中

西南夷裔屢有生梗每相殘賊朕甚憇之已命戎徒清撫邊服已
開府器幹堪濟識略英遠軍旅事重故已相任知在艱疾日月未
多金革奪情蓋有通式空自抑割即膺往旨 隋書韋世
康附傳

呂房恭懿為海州刺史詔 開皇中

德州司馬房恭懿出宰百里毗贊二藩善政能官標映倫伍班條
案部實允僉屬委已方岳聲實俱美可使持節海州諸軍事海州

刺史

隋書房
恭懿傳

戰亡者入墓域詔 仁壽元年正月辛丑

君子立身雖云百行唯誠與孝最為其首故投主殉節自古稱難
殉身王事禮加二等而代俗之徒不達大義至于致命我旅不入
兆域虧孝子之意傷人臣之心興言念此每深愍歎且入廟祭祀

竝不廢闕何止墳塋獨在其外自今已後戰亡之徒空入墓域

文帝紀下

簡勵學徒詔 仁壽元年六月乙丑

儒學之道訓教生人識父子君臣之義知尊卑長幼之序升之于朝任之官職故能贊理時務弘益風範朕撫臨天下思弘德教延集學徒崇建庠序開進仕之路佇賢雋之人而國學胄子垂將千數州縣諸生咸亦不少徒有名錄空度歲時未有德爲代範才任國用良由設學之理多而未精今宜簡省明加獎勵

隋書文
帝紀下

立舍利塔詔

仁壽元年六月乙丑

門下仰惟正覺大慈大悲救護羣生津梁庶品朕歸依三寶重興聖教思與四海之內一切人民俱發菩提竝修福業使當今現在爰及來世永作善因同登妙果空請沙門三十人諳解法相兼堪宣導者各將侍者二人并散官各給一人薰陸香一百二十斤馬

五匹分道送舍利往前件諸州起塔其未注寺就有山水寺所起塔依前山舊無寺者于當州內清靜寺處建立其塔所可造樣送往當州僧多者三百六十人其次二百四十人其次一百二十人若僧少者盡見在僧為朕皇后太子廣諸王子孫等及內外官人一切民庶幽顯生靈各七日行道并懺悔起行道日打刹莫問同州異州任人布施錢限止十文已下不得過十文所施之錢已供營塔若少不充役正丁及用庫物率土諸州僧尼皆為舍利設齋限十月十五日午時同下入石函總管刺史已下縣尉已上自非軍機停常務七日專檢校行道及打刹等事務盡誠敬副朕意焉主者施行仁壽元年六月十三日內史令豫章王臣陳宣廣安所集口口金陵梵刹志分道送舍利下云先往蔣州樓霞寺泊三十州次五十三州等寺起塔追錄李安李哲舊勳詔仁壽元年先王立教已義斷恩割親愛之情盡事君之道用能弘獎大節體

此至公往者周厯既窮天命將及朕登庸惟始王業初基承此澆季實繁茲究上大將軍盧州刺史趙郡公李安其叔璋潛結藩枝扇惑猶子包藏不逞禍機將發安與弟開府儀同三司衛州刺史黃臺縣男哲深知逆順披露丹心凶謀既彰罪人斯得朕每念誠節嘉之無已懋庸冊賞空不踰時但日事涉其親猶有疑惑欲使安等名教之方自處有地朕常爲思審遂致淹年今更詳案聖典求諸往事父子天性誠孝猶不竝立況復叔姪恩輕情薄本有差降忘私奉國深得正理空祿舊勳重弘賞命

隋書李安傳

詔荅安德王雄

仁壽元年

門下仰惟正覺覆護羣品濟生靈于苦海救愚迷于火宅朕所已至心迴向結念歸依思與率土臣民爰及幽顯同崇勝業共爲善因故分布舍利營建神塔而大聖慈愍頻示光相宮殿之內舍利降靈莫測來由自然變現歡喜頂戴得未曾有斯實羣生多幸延

此嘉福豈朕微誠所能致感覽王公等表悚敬彌深朕與王公等
 及一切民庶宜更加剋勵興隆三寶今舍利眞形猶有五十所司
 可依前式分送海內庶三塗六道俱免蓋纏稟識含靈同登妙果
 主者施行

廣弘明集

再立舍利塔詔 仁壽元年十二月

朕祇受肇命撫育生民遵奉聖教重興像法而如來大慈覆護羣
 品感見舍利開導含生朕已分布遠近皆起靈塔其間諸州猶有
 未徧今更請大德奉送舍利各往諸州依前造塔所請之僧必須
 德行可表善解法相使能宣揚佛教感悟愚迷宜集諸寺三綱詳
 共推擇錄日奏聞當與一切蒼生同斯福業

廣弘明集

褒賞楊素營太陵詔 仁壽二年

君爲元首臣則股肱共治萬姓義同一體上柱國尚書左僕射仁
 壽宮大監越國公素志度恢弘機鑒明遠懷佐時之略包經國之

才王業初基，霸圖肇建，策名委質，受服出師，擒剪凶魁，克平虢鄭，
顛承廟算，揚於江表，每稟戎律，長驅塞險，南指而吳越肅清，北臨
而獯獫摧服，白居端揆，參贊機衡，當朝正色，眞言無隱，論文則辭
藻縱橫，語武則權奇剛出，既文且武，唯朕所命，任使之處，夙夜無
怠，獻皇后奄離六宮，遠日云及，墊兆安厝，委素經營，然葬事依禮，
唯卜泉石，至如吉凶，不由于此，素義存奉上，情深體國，欲使幽明
俱泰，寶祚無窮，已爲陰陽之書，聖人所作，禍福之理，特須審慎，乃
徧歷川原，親自占擇，纖介不善，卽更尋求，志圖元吉，孜孜不已，心
力備盡，人靈協贊，遂得神皋福壤，營建山陵，論素此心，事極誠孝，
豈與夫平戎定寇，比其功業，非唯廊廟之器，實是社稷之臣，若不
加褒賞，何已申茲勸勵，可別封一子義康郡公，邑萬戶，子子孫孫，
承襲不絕，餘如故，并賜田三十頃，絹萬段，米萬石，金鉢一寶，日金
銀鉢一寶，白珠并綾錦五百段。

隋書楊
素傳

修定五禮詔 仁壽二年閏十月己丑

禮之為用，時義大矣。黃琮蒼璧，降天地之神；粢盛牲食，展宗廟之敬。正父子君臣之序，明婚姻喪紀之節。故道德仁義，非禮不成；安上治人，莫善于禮。自區宇亂離，歷年代王，道衰而變風，作微言絕而大義乖，與代推移，其弊日甚。至于四時郊祀之節文，五服麻葛之隆殺，是非異說，踳駁殊塗，致使聖教凋訛，輕重無準。朕祇承天命，撫臨生人，當洗滌之時，屬干戈之代，克定禍亂，先運武功，刪正彝典，日不暇給。今四海乂安，五戎勿用，理宜弘風訓俗，導德齊禮。綴往聖之舊章，興先王之茂則。尚書左僕射越國公楊素、尚書右僕射邳國公蘇威、吏部尚書奇章公牛弘、內史侍郎薛道衡、祕書丞許善心、內史舍人虞世基，著作郎王劼，或任居端揆，博達古今，或器推令望，學綜經史，委曰裁緝，實允僉議。可並修定五禮。

文帝紀下 案初學記十三日此詔為李德林作
恐誤德林死于開皇十九年見唐書李百藥傳

下詔數蜀王秀罪 仁壽二年十二月

汝地居臣子情兼家國庸蜀要重委已鎮之汝乃干紀亂常懷惡樂禍瞬眈二宮佇望災異容納不逞結構異端我有不和汝便覘候望我不起便有異心皇太子汝兄也次當建立汝假託妖言乃云不終其位妄稱鬼怪又道不得入宮自言骨相非人臣德業堪承重器妄道青城出聖欲已當之詐稱益州龍見託言吉兆重述木易之姓更治成都之宮妄說禾乃之名已當八千之運橫生京師妖異已證父兄之災妄造蜀地徵祥已符己身之錄汝豈不欲得國家惡也天下亂也輒造白玉之珽又爲白羽之箭文物服飾豈佞有君鳩集左道符書厭鎮漢王于汝親則弟也乃畫其形像書其姓名縛手釘心枷鎖鈕械仍云請西岳華山慈父聖母神兵九億萬騎收揚諒魂神閉在華山下勿令散蕩我之于汝親則父也復云請西岳華山慈父聖母賜爲開化楊堅夫妻迴心歡喜

又畫我形儀縛手撮頭仍云請西岳神兵收楊堅魂神如此形狀我今不知楊諒楊堅是汝何親也包藏凶慝圖謀不軌逆臣之迹也希父之災已為身幸賊子之心也懷非分之望肆毒心于兄悖弟之行也嫉妬于弟無惡不為無孔懷之情也違犯制度壞亂之極也多殺不辜豺狼之暴也剝削民庶酷虐之甚也唯求財貨市井之業也專事妖邪頑嚚之性也弗克負荷不材之器也凡此十者滅天理逆人倫汝皆為之不祥之甚也欲免禍患長守富貴其可得乎隋書庶人秀傳

奪情起姚察詔 仁壽二年

前秘書丞北絳郡開國公姚察彊學待問博極羣典修身立德白首不渝雖在哀疾宜奪情禮可員外散騎常侍封如故

陳書姚察傳察丁後

母杜氏喪解職在服制之中有白鵝巢于戶上仁壽二年詔云云

賜進士出身一品銜廣東等處提刑按察使司按察使兼管驛傳事務黃岡王毓藻校刊

全隋文卷二終

全隋文卷三

烏程嚴可均校輯

文帝三

生日海內斷屠詔 仁壽三年五月癸卯

哀哀父母生我劬勞欲報之德昊天罔極但風樹不靜嚴敬莫追
霜露既降感恩空切六月十三日是朕生日宜令海內為武元皇

帝元明皇后斷屠 隋書文帝紀下

父存喪母不宜有練詔 仁壽三年六月甲午

禮云至親曰菽斷蓋曰四時之變易萬物之更始故聖人象之其
有三年加隆爾也但家無二尊母為厭降是曰父存喪母還服于
菽者服之正也豈容菽內而更小祥然三年之喪而有小祥者禮
云菽祭禮也菽而除喪道也曰是之故雖未再菽而天地一變不
可不祭不可不除故有練焉曰存喪祭之本然菽喪有練于理未

安雖云十一月而練乃無所法象非暮非時豈可除祭而儒者徒擬三年之喪立練禫之節可謂苟存其變而失其本欲漸于奪乃薄于喪致使子則冠練去經黃裏線緣經則布葛在躬麤服未改豈非經衰尙存子情已奪親疏失倫輕重顛倒乃不順人情豈聖人之意也故知先聖之禮廢于人邪三年之喪尙有不行之者至于祥練之節安能不墜者乎禮云父母之喪無貴賤一也而大夫士之喪父母乃貴賤異服然則禮壞樂崩由來漸矣所曰晏平仲之斬麤纒其老謂之非禮滕文公之服三年其臣咸所不欲蓋由王道既衰諸侯異政將踰越于法度惡禮制之害已乃滅去篇籍自制其宜遂至骨肉之恩輕重從俗無易之道隆殺任情況孔子沒而微言隱秦滅學而經籍焚者乎有漢之興雖求儒雅人皆異說義非一貫又況近代亂離唯務兵革其于典禮時所未遑夫禮不從天降不從地出乃人心而已者謂情緣于恩也故恩厚者其禮

隆情輕者其禮殺聖人曰是稱情立文別親疏貴賤之節自臣子
道消上下失序莫大之恩逐情而薄莫重之禮與時而殺此乃服
不稱喪容不稱服非所謂聖人緣恩表情制禮之義也然喪與易
也盛在于戚則禮之本也禮有其餘未若干哀則情之實也今十
一月而練者非禮之本非情之實由是言之父存喪母不宜有練
但依禮十三月而禘庶曰合聖人之意達孝子之心

文帝
紀下

搜揚賢哲詔 仁壽三年七月丁卯

日往月來唯天所曰運序山鎮川流唯地所曰宣氣運序則寒暑
無差宣氣則雲雨有作故能成天地之大德育萬物而爲功況曰
一人君于四海睹物欲運獨見致治不藉羣才未之有也是曰唐
堯欽明命羲和曰居岳虞舜敬德升元凱而作相伊尹鼎俎之騰
爲殷之阿衡呂望漁釣之夫爲周之尙父此則鳴鶴在陰其子必

和風雲之從龍虎、賢哲之應聖明、君德不回、臣道自正、故能通天
地之和、順陰陽之序、豈不由元首而有股肱乎、自王道衰、人風薄、
居上莫能公道、曰御物爲下必踵私法、曰希時上下相蒙、君臣義
失、義失則政乖、政乖則人困、蓋同德之風難亂、離德之軌易迫、則
任者不休、休者不任、則眾口鑠金、戮辱之禍不測、是曰行歌避代、
辭位灌園、卷而可懷、黜而無愠、放逐江湖之上、沈赴河海之流、所
曰自潔而不悔者也、至于閭閻秀異之士、鄉曲博雅之儒、言足曰
佐時、行足曰厲俗、遺棄于草野、堙滅而無聞、豈勝道哉、所曰覽古
而歎息者也、方今區宇一家、煙火萬里、百姓乂安、四夷賓服、豈是
人功、實乃天意、朕惟夙夜祗懼、將所曰上嗣明靈、是曰小心勵己、
日慎一日、曰黎元在念、憂兆庶未康、曰庶政爲懷、慮一物失所、雖
求傅巖、莫見幽人、徒想崆峒、未聞至道、唯恐商歌于長夜、抱關于
夷門、遠跡犬羊之間、屈身僮僕之伍、其令州縣搜揚賢哲、皆取明

知今古、通識治亂、究政教之本、達禮樂之源、不限多少、不得不舉
限、曰三句、咸令進路、徵召將送、必須曰禮、隋書文帝紀下文苑
英華四百六十二

賜宴王伽及流人詔

仁壽中

凡在有生、含靈稟性、咸知好惡、並識是非、若臨曰至、誠明加勸導、
則俗必從化、人皆遷善、往曰海內亂離、德教廢絕、官人無慈愛之
心、兆庶懷姦詐之意、所曰獄訟不息、澆薄難治、朕受命上天、安養
萬姓、思遵聖法、曰德化人、朝夕孜孜、意在于此、而伽深識朕意、誠
心宣導、參等感悟、自赴憲司、明是率土之人、非爲難教、良是官人、
不加曉示、致令陷罪、無由自新、若使官盡王伽之儔、人皆李參之
輩、刑厝不用、其何遠哉、隋書王
伽傳

宣詔滅陸讓死

仁壽中

馮氏曰嫡母之德、足爲世範、慈愛之道、義感人神、特宜矜免、用獎
風俗、讓可滅死、除名爲民、隋書陸讓
母馮氏傳

復下詔賜陸讓母馮氏

馮氏體備仁慈夙閑禮度擊讓非其所生往犯憲章宜從極法躬自詣闕為之請命匍匐頓顙朕哀其義特免死辜使天下婦人皆如馮者豈不閨門雍睦風俗和平朕每嘉歎不能已宜標揚優賞用彰有德可賜帛五百段集諸命婦與婦相識曰寵異之上同下詔釋僧照 年月未詳

禪師德居物表道映遂初窮處巖阿養素崇業朕甚嘉焉今送供

奉用展翹敬續高僧傳

幸仁壽宮令皇太子監國詔 仁壽四年正月乙丑

賞罰支度事無巨細竝付皇太子隋書文帝紀下

遺詔 仁壽四年七月

嗟乎自昔晉室播遷天下喪亂四海不一自至周齊戰爭相尋年將三百故割疆土者非一所稱帝王者非一人書軌不同生人塗

炭上天降鑒、爰命于朕、用登大位、豈關人力、故得撥亂反正、偃武
修文、天下大同、聲教遠被、此又是天意欲盛區夏、所曰昧且臨朝、
不敢逸豫、一日萬幾、畱心親覽、晦朔寒暑、不憚劬勞、匪曰朕身、蓋
爲百姓故也、王公卿士、每日闕庭、刺史曰下、三時朝集、何嘗不罄
竭心府、誠救殷勤、義乃君臣情、兼父子、庶藉百寮智力、萬國歡心、
欲令率土之人、永得安樂、不謂遭疾、彌畱、至于大漸、此乃人生常
分、何足言及、但四海百姓、衣食不豐、教化政刑、猶未盡善、興言念
此、唯曰畱恨、朕今年踰六十、不復稱天、但筋力精神、一時勞竭、如
此之事、本非爲身、止欲安養百姓、所曰致此、人生子孫、誰不愛念、
旣爲天下、事須割情、勇及秀等、竝懷悖惡、旣知無臣子之心、所曰
廢黜、古人有言、知臣莫若于君、知子莫若于父、若令勇秀得志、共
治家國、必當戮辱、偏于公卿、酷毒流于人庶、今惡子孫已爲百姓
黜屏、好子孫足堪負荷大業、此雖朕家事、理不容隱、前對文武侍

衛具已論述皇太子廣地居上嗣仁孝著聞。且其行業堪成朕志。但令內外羣官同心戮力。且此共治天下。朕雖瞑目。何所復恨。但國家事大。不可限日常禮。既葬公。除行之自昔。今宜遵用。不勞改定。凶禮所須。纔令周事務從節儉。不得勞人。諸州總管刺史已下。宜各率其職。不須奔赴。自古哲王。因人作法。前帝後帝。沿革隨時。律令格式。或有不便于事者。宜依前式修改。務當政要。嗚呼敬之哉。無墜朕命。隋書文帝紀下

冊賀婁子幹爲上大將軍。開皇二年

於戲。敬聽朕命。唯爾器量闇明。志情強果。任經武將。勤績有聞。往歲凶醜未寧。屢驚疆場。拓土靜亂。殊有厥勞。是用崇茲賞典。加此車服。往欽哉。祇承榮冊。可不慎歟。隋書賀婁子幹傳

伐陳下源雄罽書。開皇八年

於戲。唯爾上大將軍。朔方公。雄識悟明。允風神果毅。往牧徐方。時

逢寇逆建旗馬邑撫安北蕃嘉謀絕外境之虞挺劍息羣讎之望
沙漠呂北俱荷威恩呂梁之間罔不懷惠但江淮蕞爾有陳僭逆
今將董率戎旅清彼東南是用命爾為行軍總管往欽哉隋書源
雄傳
冊廣平王雄為司空開皇九年

維開皇九年八月朔壬戌皇帝若曰於戲唯爾上柱國左衛大將
軍宗正卿廣平王風度寬弘位望隆顯爰司禁旅絲歷十載入當
心腹外任爪牙驅馳軒陛勤勞著績念舊庸勳禮秩加等公輔之
寄民具爾瞻宜竭迺誠副茲名實是用命爾為司空往欽哉光應
寵命得不慎歟隋書觀德
王雄傳

弔祭辭溶冊書開皇中

皇帝咨故考功侍郎辭溶於戲惟爾操履貞和器業詳敏允膺列
宿勤勞克彰及遊私艱奄從毀滅嘉爾誠孝感于朕懷冀爾有加
抑惟朝典故遣使人指申往命魂而有靈歆茲榮渥嗚呼哀哉隋書

辭滯傳

手救釋靈藏

弟子是俗人天子律師是道人天子有欲離俗者任師度之

佛祖統紀

佛祖歷代通載有欲作有能

救元諧 開皇元年八月

公受朝寄總兵西下本欲自靈疆境保全黎庶非是貪無用之地

害荒服之民王者之師意在仁義渾賊若至界首者公宜曉示曰

德臨之曰教誰敢不服也

隋書元諧傳吐谷渾寇涼州詔諧為行軍元帥擊之上救諧

救佛寺行道日斷殺 開皇三年

好生惡殺王政之本佛道垂教善業可憑稟氣含靈唯命為重宜

勸勵天下同心救護其京城及諸州官立寺之所每年正月五月

九月恆起八日至十五日當寺行道其行道之日遠近民庶凡是

有生之類悉不得殺

釋藏云二歷代三寶記十二

救復佛像 開皇四年

周武之時毀滅佛法凡諸形像悉遣除之號令一行多皆毀壞其金銅等或時為官物如有現在竝可付隨近寺觀安置不得輒有損傷同上

救總管刺史 開皇四年四月己亥

總管刺史父母及子年十五已上不得將之官隋書文帝紀上

救虞慶則 開皇五年

我欲存立突厥彼送公馬但取五三匹隋書虞慶則傳

救釋曇遷為禪定寺主

自稠師滅後禪門不開雖戒慧仍弘而行儀攸闕今所立寺既名禪定望嗣前塵宜于海內召名德禪師百二十人各二侍者竝委遷禪師搜揚有司具禮即已遷為寺主續高僧傳

救李德林 開皇八年

伐陳事意宜自隨隋書李德林傳車駕幸同州德林曰疾不從敕書追之書後御筆注云云

伐陳敕有司開皇八年

亡國物我一不召入府可于苑內築五塚當悉賜文武百官大射

召取之北史六十人韓禽傳

敕蘇威開皇九年

公德行高人情寄殊重大孝之道蓋同俯就必須抑割為國惜身

朕之于公為君為父宜依朕旨召禮自存隋書蘇威傳

宣敕嶺南開皇九年

若嶺南平定畱勇與豐州刺史鄭萬頃且依舊職陳書南康愨王

慶為廣州刺史隋師渡江衡州刺史王勇遣迎方慶欲令承嗣是時隋行軍總管韋洸帥兵度嶺宣隋文帝敕云云方慶聞之乃不從

下譙國夫人敕書開皇十年

朕撫育蒼生情均父母欲使率土清淨兆庶安樂而王仲宣等輒

相聚結、擾亂彼民、所已遣往誅、竄爲百姓除害、夫人情在奉國、深
識正理、遂令孫益、斬獲佛智、竟破羣賊、甚有大功、今賜夫人帛五
千段、暄不進愆、誠合罪責、已夫人立此誠效、故特原免、夫人宜訓
導子孫、敦崇禮教、遵奉朝化、已副朕心、隋書 諸國
夫人傳
敕釋智顛 開皇十年

皇帝敬問光宅寺智顛禪師、朕于佛教、敬信情重、往者周武之時、
毀壞佛法、發心立願、必許護持、及受命于天、仍卽興復、仰憑神力、
法輪重轉、十方眾生、俱獲利益、比已、有陳虐亂、殘暴東南、百姓勞
役、不勝其苦、故命將出師、爲民除害、吳越之地、今得廓清、道俗又
安、深得朕意、朕尊崇正法、救濟蒼生、欲令福田永存、津梁無極、師
旣已離世網、修己化人、必希獎進、僧伍固守禁戒、使見者欽服、聞
卽生善、方副大道之心、是爲出家之業、若身從道服、心染俗塵、非
直含生之類、無所歸依、抑恐妙法之門、更來誦譴、宜相勸勵、已同

朕心春日漸暄道體如宜也

釋教起二國清百錄二入陟九羅門警訓九

勞問釋智叅救

開皇十一年

法師栖身淨土援志法門普為眾生宣揚正教勤修功德率勵法

徒專心講誦曠濟羣品欽承德業甚曰嘉之

續高僧傳

救給荊州玉泉寺額

開皇十三年七月

皇帝敬問修禪寺智顛禪師省書具至意孟秋餘熱道體何如熏

修禪悅有旨怡慰所須寺名額今依來請智遠師還指宣往意

高僧傳

禁盜邊糧救

開皇十五年十二月戊子

盜邊糧一升已上皆斬竝籍沒其家

隋書文帝紀下

救禁流亡

開皇十八年九月庚寅

舍客無公驗者坐及刺史縣令

隋書文帝紀下

救羣臣

政術王乃坐之空館嚴加防守使其閉日塞耳永無聞見有何陰
惡弗欲人知禁制官司畏其訪察又數遣馬驥殺害邊人屢騁姦
謀動作邪說心在不賓朕于蒼生悉如赤子賜王土宇授王官爵
深恩殊澤彰著遐邇王專悞不信恆自猜疑常遣使人密覘消息
純臣之義豈若是也蓋當由朕訓導不明王之愆遲一已寬恕今
日日後必須改革守藩臣之節奉朝正之典自化爾藩勿忤他國
則長享富貴實稱朕心彼之一方不可虛置終須更選官屬就彼
安撫王若酒心易行率由憲章卽是朕之良臣何勞別遣才彥也
昔帝王作法仁信爲先有善必賞有惡必罰四海之內具聞朕旨
王若無罪朕忽加兵自餘藩國謂朕何也王必盡心納朕此意慎
勿疑惑更懷異圖往者陳叔寶代在江陰殘害人庶驚動我烽候
鈔掠我邊境朕前後誠救經歷十年彼則恃長江之險聚一隅之
眾悻狂驕傲不從朕言故命將出師除彼凶逆來往不盈旬月兵

騎不過數千。歷代逋寇。一朝清蕩。遐邇又安。人神胥悅。聞王歎恨。獨致悲傷。黜陟幽明。有司是職。罪王不爲。陳滅。賞王不爲。陳存。樂禍好亂。何爲爾也。王謂遵水之廣。何如長江。高麗之人。多少。陳國。朕若不存。含有責王前愆。命一將軍。何待多力。懇勸曉示。許王自新耳。宜得朕懷。自求多福。隋書高麗傳

賜田德懋璽書 開皇中

皇帝謝田德懋。知在窮疾。哀毀過禮。倚廬墓所。負土成墳。朕孝理天下。思弘名教。復與汝通家。情義素重。有聞孝感。嘉歎兼深。春日。隨和氣力。何侶。宜自抑割。自禮自存也。并賜縑二百匹。米百石。隋書

田德懋傳

遺源雄書 大象中

公妻子在鄴城。雖言離隔。賊徒剪滅。聚會非難。今日已後。不過數旬之別。遲能開慰。無自累懷。徐部大蕃。東南襟帶。密邇吳寇。特須

安撫藉公英略委目邊謀善建功名用副朝委也隋書

賜賀婁子餘手書大象中

迎賊尉迥放遣蟻眾作寇懷州公受命誅討應機蕩滌聞已嗟贊

不易可言丈夫富貴之秋正在今日善建功名日副朝望也隋書

賀貴

卜書徵張羨初受禪

朕初臨四海思存政術舊齒名賢實懷勤佇儀同昔在周室德業

有聞雖云致仕猶克壯年即宜入朝用副虛想隋書張

報突厥沙鉢略可汗書開皇四年

大隋天子貽書大突厥乙利俱盧設莫何沙鉢略可汗得書知大

有好心向此也既是沙鉢略婦翁今日看沙鉢略共兒子不異既

日親舊厚意常使之外今特別遣大臣虞慶則往彼看女復看沙

鉢略也隋書突

下書勞王長述

每覽高策深相嘉歎命將之日當日公為元帥也

隋書王長述傳開皇初獻平陳

之計修營戰艦為上流之師上善其能頻加賞勞下書

下書賜賀婁子幹

開皇四年十一月

自公守北門風塵不警突厥所獻還日賜公

隋書賀婁子幹傳拜雲州總管日突厥所

獻馬百匹羊千口日賜之乃下書

下書答元孝矩

知執謙摠請歸初服恭膺寶合實賴元功方欲委裝寄日分陝何

容便請高蹈獨為君子者乎若日邊境務煩即宜徒節涇郡養德

臥治也

隋書元孝矩傳

遺諱沈書

開皇十年

公鴻勳大業行高望重率將戎旅撫慰彼方風行電埽咸應稽服

若使干戈不用兆庶獲安方副朕懷是公之力

隋書沈書世康傳

與智顛書

開皇十二年

朕觀稍久，惟用傾結，道體康念，動寂怡神。路首促忽，豈復委宣。今
既烏紗，蚤疇一張，鬱泥南布，望望一緣，紫繩，鞞一量，南棚，枕一枚。

遺釋慧則

敬問婺州雙林寺慧則法師，朕尊崇聖教，重興法典，欲使一切生
靈咸蒙福力。法師舍離塵俗，投志法門，專心講誦，宣揚妙典，精誠
如此，深副朕懷。既利益羣生，當不辭勞也。猶寒道體，如宜。今遣使
人指宣，往意。

賜姓復舊令

大定元年二月壬子

目前賜姓皆復其舊

北史十一 隋書文帝紀上 秦周書薛
帝紀有此詔全文 今編入李德林集中

誠太子勇

我聞天道無親，唯德是與。歷觀前代帝王，未有奢華而能長久者。

汝當儲后若不上稱天心下合人意何日承宗廟之重居兆民之上我昔日衣服各畱一物時復看之日自警戒又擬分賜汝兄弟恐汝目今日皇太子之心忘昔時之事故令高顯賜汝我舊所帶刀子一枚并菹醬一合汝昔作上士時所常食如此若存憶前事應知我心

隋書文四子傳
北史七十一

改元祠南郊板文

維仁壽元年歲次作噩闕天子臣謹敢昭告于昊天上帝璇璣運行大明南至臣蒙上天恩造羣靈降福撫臨率土安養兆人願惟虛薄德化未暢夙夜憂懼不敢荒怠天地靈祇降錫休瑞鏡發區宇昭彰耳目爰始登極蒙授龜圖遷都定鼎醴泉出地平陳之歲龍引舟師省俗巡方展禮東岳盲者得視瘖者得言復有蹇人忽然能步自開皇已來日近北極行于上道睿度延長天啟太平獸見一角改元仁壽楊樹生松石魚彰合符之徵玉龜顯永昌之慶

山岡石瑞前後繼出皆減臣姓名褒紀國祚經典諸緯爰及玉龜
文字義理遞相符會宮城之內及在山谷石變爲玉不可勝數桃
區一嶺盡是琉璃黃銀出于神山碧玉生于瑞巘多楊山響三稱
國興連雲山磬萬年臨國野鶴降天仍注池沼神鹿入苑頻賜引
導嚙虞見質遊麟在野鹿角生于楊樹龍湫出于荆谷慶雲發彩
壽星垂耀宮殿樓閣咸出靈芝山澤川原多生寶物威香散馥零
露凝甘敦煌烏山黑石變白弘祿巖嶺石華遠照玄狐玄豹白兔
白狼赤雀蒼鳥野蠶天豆嘉禾合穗珍木連理神瑞休徵洪恩景
福降賜無疆不可具紀此皆昊天上帝爰降明靈矜愍蒼生寧靜
海內故錫茲嘉慶咸使安樂豈臣微誠所能上感虔心奉謝敬薦
玉帛犧齊粢盛庶品燔祀于昊天上帝皇帝太祖武元皇帝配神

作主

隋書禮儀志一

懺悔文

開皇十三年十二月八日。隋皇帝佛弟子姓名敬白十方盡虛空。徧法界。一切諸佛。一切諸法。一切諸大賢聖僧。仰惟如來慈悲。弘道垂教。救拔塵境。濟度含生。斷邪惡之源。開仁善之路。自朝及野。咸所依憑。屬周代亂常。侮懺聖跡。塔寺毀廢。經像淪亡。無隔華夷。埽地悉盡。致使愚者無日導悟。迷智者無日尋靈。聖弟子往藉三寶因緣。今膺千年昌運。作民父母。思拯黎元。重顯尊容。再崇神化。積基毀跡。更事莊嚴。廢像遺經。悉令雕撰。雖塵心懇到。猶恐未周。故重勤求。令得顯出。而沈頓積年。汗毀非處。如此之事。事由弟子。今于三寶前。志心發露懺悔。周室除滅之時。自上及下。或因公禁。或起私情。毀像殘經。慢僧破寺。如此之人。罪實深重。今于三寶前。悉爲發露懺悔。敬施一切毀廢經像絹十二萬匹。皇后又敬施絹十二萬匹。王公已下。爰至黔黎。又人敬施錢一文。願一切諸佛。一切諸法。一切諸大賢聖僧。爲作證明。受弟子懺悔。釋藏云。二歷代三寶記。十二

賜進士出身二品銜廣東等處提刑按察使司按察使兼管驛傳事務黃岡王毓藻校刊

全隋文卷三終

全隋文卷三

三